

UGOVOR

o pružanju usluga kolektivnog osiguranja radnika SERDA d.o.o. Sarajevo

između Ugovornih strana:

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr Ševkija Okerić, (u daljem tekstu: Osiguranik), i
2. **„SARAJEVO OSIGURANJE“ d.d. Sarajevo**, ul. Maršala Tita 29, Sarajevo, koga zastupa direktor Arif Kulić, (u daljem tekstu: Osiguravač)

I PREDMET UGOVORA

Član 1.

Predmet ovoga Ugovora je pružanje usluga za LOT 1-kolektivnog osiguranja radnika SERDA d.o.o. Sarajevo, za što je proveden direktni postupak javne nabavke, a prema ponudi ponuđača br. 01-988/18 od 20.03.2018. godine, čiji ukupan iznos mjesečne premije po uposleniku iznosi 5,00 KM, odnosno ukupno na godišnjem nivou 1.320,00 KM bez PDV-a, a shodno tome iskazane su pojedinačno osigurane sume po osobi za slijedeće osigurane rizike:

-za smrt od nezgode iznosi _____	36.000,00 KM
-za smrt od bolesti iznosi _____	3.000,00 KM
-za trajnu invalidnost iznosi _____	72.000,00 KM
-za dnevnu naknada za bolovanje- boravak u bolnici iznosi _____	15,00 KM

II CIJENA

Član 2.

Usluge koje su predmet ovog Ugovora će se vršiti prema usvojenoj Ponudi za period od 12 mjeseci po usvojenim cijenama iz ponude, a po uobičajenoj proceduri iz Opštih i Dopunskih uslova za osiguranje lica od posljedica nesretnog slučaja-nezgode, izabranog Osiguravača.

Član 3.

Usluge će se realizovati na osnovu preciziranih zahtjeva Ugovarača osiguranja po uobičajenoj proceduri.

III NAČIN PLAĆANJA

Član 4.

Plaćanje za pružanje usluga iz člana 1. Ugovora će se vršiti mjesečno u visini premije od 5,00 KM po jednom uposleniku, prema mjesečno dostavljenim fakturama uz odgodu od 90 dana, na račun broj: 1990490106232022otvoren kod Sparkasse bank dd.

IV ROK IZVRŠENJA USLUGE

Član 5.

Osiguravač se obavezuje da nastalu štetu isplati u roku od 1 (jedan) dan po prikupljenoj potrebnoj dokumentaciji i predaji od strane našeg zaposlenika.

V OBAVEZE UGOVARAČA OSIGURANJA

Član 6.

Ugovarač osiguranja se obavezuje da:

-izvrši obavezu iz člana 4. ovog Ugovora

-mjesečno obavještava Osiguravača o eventualnim promjenama broja osiguranih osoba.

VI OBAVEZE PRUŽAOCA USLUGA

Član 7.

Pružalac usluga se obavezuje da:

- izvrši obavezu iz člana 5. ovog Ugovora
- izvrši sve obaveze prema usvojenoj Ponudi
- ispostavi fakturu za izvršenje usluge
- mjesečno šalje izvještaje o isplaćenim štetama kao i pismenu obavijest o ishodu svakog pojedinačnog zahtjeva

VII PENALI

Član 8.

Za svaki dan zakašnjenja Osiguravač se obavezuje da Ugovaraču/osiguraniku isplati zatezne kamate u iznosu u skladu sa važećim propisima.

Član 9.

Ako slučaj više sile potpuno ili djelimično spriječi izvršenje obaveza po ovom Ugovoru, ugovorna strana je obavezna obavijestiti drugu Ugovornu stranu u roku od 7 (sedam) dana od dana nastanka više sile.

IX OSTALE ODREDBE

Član 10.

Osiguravač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu

člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

Član 11.

Sve izmjene Ugovora mogu se vršiti isključivo i samo uz pismenu saglasnost ugovornih strana.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja ili otkazom jedne od ugovornih strana zbog nepoštivanja odredbi Ugovora.

Obavijest o otkazu mora biti u pismenoj formi i otkazni rok iznosi 30 dana i počinje teći od dana prijema pismene obavijesti o otkazu Ugovora.

Ugovarač osiguranja može jednostrano raskinuti ugovor i istovremeno tražiti naknadu štete nastale neispunjenjem ugovora.

Ukoliko se sporazumno rješenje ne postigne, nadležan je sud u Sarajevu.

Član 12.

Ovaj Ugovor stupa na snagu kada ga potpišu obje ugovorne strane.

Ovaj Ugovor se zaključuje za period od 12 mjeseci, a njegova primjena počinje od 02.04.2018. godine.

Član 13.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je:

-Ponuda iz člana 1. ovog Ugovora

-Opšti uslovi za osiguranje od posljedica nesretnog slučaja-nezgode

-Dopunski uslovi za kombinirano grupno osiguranje uposlenika od posljedica nesretnog slučaja-nezgode.

ZA OSIGURAVAČA:

DIREKTOR

Arif Kulić

Broj:

01-1231/18

Dana,

02.04.2018.

ZA UGOVARAČA OSIGURANJA:

DIREKTOR

dr Ševkija Okerić

Broj:

UG-4/18

Dana,

02.04.2018.